

წყალტუბოს მუნიციპალიტეტის საკრებულო

გ ა ნ კ ა რ გ უ ლ ე ბ ა № __

2023 წლის __ აპრილი

ქ. წყალტუბო

არასამეწარმეო (არაკომერციული) იურიდიული პირის „წყალტუბოს მუნიციპალიტეტის კულტურის ცენტრი“-ს მიერ 2022 წლის III-IV კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ა(ა)იპ „წყალტუბოს მუნიციპალიტეტის კულტურის ცენტრი“-ს ანგარიში 2022 წლის III-IV კვარტალში გაწეული მუშაობის შესახებ (თან ერთვის).

აღნიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბოს მუნიციპალიტეტის კულტურის ცენტრი“-ს ანგარიში 2022 წლის III-IV კვარტალში გაწეული მუშაობის შესახებ.
2. ა(ა)იპ „წყალტუბოს მუნიციპალიტეტის კულტურის ცენტრი“-ს“ მიერ 2022 წლის III-IV კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

მომზადა:
აპარატის უფროსი

შეთანხმებულია:

განყოფილების უფროსი

კომისიის თავმჯდომარე

გელა თათარაშვილი

მაია ბერაძე

ლევან ჩანქსელიანი

(Handwritten signatures in blue ink)

არასამეწარმეო (არაკომერციული) იურიდიული პირი
„წყალტუბოს მუნიციპალიტეტის კულტურის
ცენტრი“

წყალტუბო, რუსთაველის ქ. N25

N 26/21

26-21-2-202304211319



21/04/2023

წყალტუბოს მუნიციპალიტეტის საკრებულოს
თავმჯდომარეს ბატონ თეიმურაზ ჭეიშვილს

ბატონ თეიმურაზ,

გიგზავნით ანგარიშს ა(ა)იპ "წყალტუბოს მუნიციპალიტეტის კულტურის ცენტრის" მიერ 2022 წლის მესამე და მეოთხე კვარტალში გაწეული მუშაობის შესახებ.

დანართი თან ერთვის.

პატივისცემით

რევაზ მესხი

მმართველი



ა(ა)იპ "წყალტუბოს მუნიციპალიტეტის კულტურის ცენტრის" 2022 წლის
მესამე და მეოთხე კვარტალის ანგარიში

ა(ა)იპ "წყალტუბოს მუნიციპალიტეტის კულტურის ცენტრის" ძირითად ფუნქციას წარმოადგენს კულტურულ დაწესებულებათა საქმიანობის ორგანიზება, კოორდინაცია და მუნიციპალიტეტის ტერიტორიაზე კულტურის განვითარების ხელშეწყობა. აღნიშნულ ფუნქციას კულტურის ცენტრი წარმართავს თავის დაქვემდებარებაში შემავალ სტრუქტურულ ერთეულებზე დაყრდნობით. მათ შორისაა 29 ბიბლიოთეკა, 2 კულტურის სახლი, 10 სასოფლო კლუბი, 3 მუზეუმი, ფოლკლორული ანსამბლი "ნადური", სახალხო თეატრი და თოჯინების თეატრი.

ა(ა)იპ "წყალტუბოს მუნიციპალიტეტის კულტურის ცენტრი" 2022 წელს მიზნობრივად წარმართავდა საქმიანობას მასზე დაკისრებული ფუნქციების წარმატებით შესასრულებლად.

კულტურის ცენტრის დაფინანსების ძირითად წყაროს ადგილობრივი ბიუჯეტი წარმოადგენს. დამატებით ვიყენებთ საკონცერტო დარბაზის გაქირავებით, მუზეუმებში რეალიზებული ბილეთების ამონაგებითა და ფასიანი წრეებით მიღებულ შემოსავლებს.

საანგარიშო პერიოდში საბიბლიოთეკო გაერთიანებისთვის კვლავაც პრიორიტეტული იყო ფონდების გაწმენდის, წიგნების მოდერნიზაცია-აღდგენის, ფიზიკურად დაზიანებული და შინაარსობრივად მოძველებული ლიტერატურის გამოყოფა და სიების შედგენა, რაც თავისთვად გულისხმობს ქსელში არსებული საბიბლიოთეკო ფონდების წესრიგში მოყვანას.

საანგარიშო პერიოდში მთავარი ბიბლიოთეკის თანამშრომლების მონაწილეობითა და ორგანიზებით დამუშავდა გეგუთის ბიბლიოთეკაში გადმოტანილი ყოფილი ვარციხჰესის გაუქმებული ბიბლიოთეკის წიგნადი ფონდი, რომელთაგან საჭირო და მნიშვნელოვანი წიგნები დატოვებული იქნა გეგუთში და მოხდა მისი შერწყმა ძველ ფონდთან. ცალკე გამოიყო და შესაბამისი სიები გაუკეთდა მოძველებულ და ფიზიკურად გაცვეთილ წიგნებს. გადასახლისდა და ახლებურად მოეწყო სამკითხველო დარბაზი. ოქტომბერში მოდერნიზაცია შეეხო გუბისწყლის ბიბლიოთეკას. აქაც წიგნობრივი ფონდი მთლიანად გაიწმინდა, აიწყო და ბიბლიოთეკაში შეიქმნა სათანადო გარემო. იგივე შინაარსით მოხდა ბიბლიოთეკის ფორმირება პირველ წყალტუბოსა და სოფელ პატრიკეთში. აღსანიშნავია, რომ ამ უკანასკნელში სოფლის რწმუნებულის აქტიური მხარდაჭერით შესაძლებელი გახდა წიგნობრივი ფონდისათვის შეუფერებელი ფართის უკეთესით შეცვლა და ახლა ბიბლიოთეკა საგრძნობლად გაუმჯობესებულ პირობებში იმყოფება; ოქტომბრის თვეში ქალაქის ცენტრალური პარკის ტერიტორიაზე გაიხსნა ე.წ. სკვერის ბიბლიოთეკა "წიგნის ბუდე". აღნიშნული აქტივობა განხორციელდა საქართველოს ეროვნული ბიბლიოთეკის ინიციატივითა და ორგანიზებით. ეროვნული ბიბლიოთეკის ტრადიციული ვაუჩერიზაციის პროგრამის ფარგლებში საბიბლიოთეკო გაერთიანებამ გამოყოფილი ვაუჩერით შეიძინა 81 ახალი წიგნი. მკითხველებისა და პარლამენტის ეროვნული ბიბლიოთეკისაგან საჩუქრად მიიღო 129 ცალი. სულ საანგარიშო წელში საბიბლიოთეკო ფონდი 210 ცალი წიგნით შეივსო.

საანგარიშო პერიოდში ფონდების მოდერნიზაციის პარარელურად საბიბლიოთეკო გაერთიანებამ განახორციელა რამდენიმე სალონისძიებო აქტივობა. საბავშვო ბიბლიოთეკის ახალ შენობაში გადასვლის შემდეგ ჩატარდა პირველი შეხვედრა მოზარდ მკითხველებთან კლასის საათის ფარგლებში. ეს იყო იაკობ გოგებაშვილისადმი მიძღვნილი ლიტერატურული ღონისძიება "დაილოცოს დედა ენის შემოქმედი" და "მხიარული საათი ქალაქის ბიბლიოთეკაში", რომელშიც მონაწილეობდნენ საჯარო სკოლების მოსწავლეები. საბიბლიოთეკო გაერთიანებაში ჩატარდა პოეზიის სადამოები: "ცისფერყანწელთა შემოქმედება", "ვკითხულობთ გალაკტიონს", "სტუმრად ტერენტი გრანელის სამყაროში", "ოტია იოსელიანის საბავშვო ლექსები და სხვა.

ოფურჩხეთის ბიბლიოთეკაში წარმატებით გრძელდებოდა პროექტი "ახალგაზრდა ლიდერები თემის განვითარებისათვის", საყულის ბიბლიოთეკაში კი ივლისიდან დეკემბრის ჩათვლით მიმდინარეობდა პროექტი "მოიარე საქართველო", რომლის ფარგლებში სოფლის მოზარდი მკითხველები სხვადასხვა აქტივობებით სტუმრობდნენ საქარველოს ყველა კუთხეს და შესაბამის კულტურულ-ინტელექტუალურ ღონისძიებებს მართავდნენ იქაურ თანატოლებთან, რაზედაც შექმნილია დოკუმენტური ვიდეო-მასალა.

მესამე და მეოთხე კვარტალში საბიბლიოთეკო მომსახურება გაეწია 1700 ადამიანს. მათ შორის 700 ინტერნეტმომხმარებელია, ხოლო წიგნის გაცემის მაჩვენებელია გაიცა 17300.

პანდემიური შეზღუდვის შემდეგ დამთვალიერებელთა თავისუფალი დაშვება მოხდა აკადემიკოს გიორგი ახვლედიანის სახელობის მხარეთმცოდნეობის მუზეუმსა და ნიკო ლორთქიფანიძის სახლ-მუზეუმში. მთლიანად გასულ წელს მუზეუმები დაათვალიერა 2300-მა ვიზიტორმა, ჩატარდა 247 ექსკურსია და 3 ღია გაკვეთილი. ამას ხელი შეუწყო სამუზეუმო გაერთიანების თანმიმდევრულმა საქმიანობამ სამეცნიერო-საფონდო, სამეცნიერო კვლევითი და საგანმანათლებლო მუშაობის მიმართულებით. საანგარიშო პერიოდში მუზეუმების ფონდები შეივსო 15 ახალი ექსპონატით. გაიხსნა მუზეუმის ექსპონატების ვიტრინები, დამუშავდა ექსპონატები, გამოიცვალა მაუდის საფარი და გაკეთდა ახალი წარწერები ქართულ-ინგლისურ ენებზე. გაიზარდა ცალკეული დაინტერესებული პირების მიერ ფონდებით სარგებლობისა და გამოყენების მაჩვენებლები. დაცული დოკუმენტებით ისარგებლა 10-მა ადამიანმა, მოეწყო 2 თემატური გამოფენა; მომზადდა ვიდეორგოლები სხვადასხვა თემაზე, რომლის საშუალებით სამუზეუმო მასალები სოციალური ქსელით 10000-ზე მეტმა ადამიანმა ნახა და მოიწონა. მოსმენილი იქნა მუზეუმის თანამშრომლების მიერ მომზადებული საინტერესო თემები; მათ შორის აღსანიშნავია თემა მუზეუმის ერთი ექსპონატის ისტორიისათვის, რომელშიც წარმოდგენილია რუსი მოქანდაკისა და მხატვრის ივანე ეფუმოვის 1950 წელს ბრინჯაოში ჩამოსხმული მღვწევაზე წყვილის ცეკვა "ილოურის" შესრულების ფრაგმენტი. აღნიშნულმა ექსპონატმა მუზეუმში 2022 წელს დაიდო ბინა.

საანგარიშო პერიოდში კულტურის ცენტრმა მოამზადა და წარმოადგინა რამდენიმე საინტერესო ღონისძიება: სახალხო დღესასწაული "ელიაობა" სოფელ მაღლაკში;

ლიტერატურული სპექტაკლი "არაკით თქმული სიმართლე"- ოტია იოსელიანის დაბადების 92-ე წლისთავისადმი მიძღვნილი; ღია კარის დღე მოეწყო ნ.ლორთქიფანიძის სახლ-მუზეუმში მწერლის დაბადების 142-ე წლისთავის აღსანიშნავად. ამაგდარი ხელოვანის, კულტურის დამსახურებული მუშაკის ღია ხოტივარის ხსოვნისა და პატივების სადამო გეგუთის კულტურის სახლში; ქუჩის მუსიკოს საბა საფარელის კონცერტი ამავე კულტურის სახლში; მრავალფეროვანი საახალწლო ღონისძიებები ჩატარდა მაღლაკის, გეგუთის, გუბისწლისა და მეორე უბნის საკლუბო დაწესებულებებში.

საინტერესო პერფორმანსით ჩაერთო კულტურის ცენტრი ტრადიციულ სახალხო დღესასწაულში "შემოდგომის წყალტუბო"; ამას გარდა ანსამბლმა "ნადურმა" მონაწილეობა მიიღო ამ დღის აღსანიშნავ გალა-კონცერტში. აღსანიშნავია, რომ წყალტუბოს მგალობელ-მომღერალთა ანსამბლი "ნადური" 2022 წელსაც გახდა საქართველოს ფოლკლორის ეროვნული ფესტივალის გამარჯვებული და სპეციალური პრიზის მფლობელი.

წარმატებული იყო გასული წელი სახალხო თეატრისათვის. თეატრმა წარმოადგინა პრემიერა გ.ნახუცრიშვილის სპექტაკლისა "ნაცარქექია"- აღნიშნული სპექტაკლით კულტურის ცენტრის სახალხო თეატრის დასი წარსდგა იმერეთის საერთაშორისო თეატრალურ ფესტივალზე და წარმატება მოიპოვა ერთ ნომინაციაში; ასევე განსაკუთრებით წარმატებული იყო საანგარიშო წელი თოჯინების თეატრისათვის. იოსებ ჩეპოვეცკის პიესა "ძია ჯამბაზი" და წრუწუნა მიციკი ნაჩვენები იქნა ქობულეთში თოჯინების საერთაშორისო ფესტივალზე "ზზიანი საქართველო. ჟიურიმ რამდენიმე ნომინაციაში გამარჯვებულად ცნო თეატრალური დასი და სპეციალური პრიზებით დააჯილდოვა სპექტაკლის რეჟისორი, მსახიობები და მუსიკალური გამფორმებელი. ყოველ ორშაბათს თოჯინების თეატრში წარმოდგენები ტარდებოდა ქალაქის ტერიტორიაზე მცხოვრები მოზარდებისათვის. პარარელურად იმართებოდა გასვლითი სპექტაკლები ქალაქის ტერიტორიის რამდენიმე ლოკაციაზე და სოფლებში: საყულია, რიონი, სორმონი და ქვიტირი.

საანგარიშო პერიოდში კულტურის ცენტრის ბიუჯეტი შეადგენდა 391945 ლარს, საიდანაც დაიხარჯა 380226 ლარი. მათ შორის: საღონისძიებო -430 ლარი; სპექტაკლის დადგმისათვის - 3500 ლარი, სხვადასხვა ფესტივალებში მონაწილეობისათვის მოსაკრებელი - 4380 ლარი; თოჯინების თეატრისათვის შეძენილი იქნა 200 ლარის თეატრალური აქსესუარი; დაწესებულებისათვის შეძენილი იქნა 10 ცალი ელექტროღუმელი; საახალწლო განათებები საკონცერტო დარბაზის, გეგუთისა და მაღლაკის კულტურის სახლებისათვის; გადაიღება გმირთა მემორიალის რკინის კონსტრუქცია კაპიტალური კუთხით დაიხარჯა 1000 ლარი; შეკეთდა სოფელ წყალტუბოს ბიბლიოთეკა, სოფელ მეორე უბნისა და საყულიის კლუბები და ბიბლიოთეკები,

საკონცერტო დარბაზმა უმასპინძლა რამდენიმე საერთაშორისო ფესტივალს, რომლისგანაც კულტურის ცენტრის ანგარიშზე ჩაირიცხა 6000 ლარი. მუზეუმების ბილეთების რეალიზაციით, გასულ წელს შემოსულმა თანხამ შეადგინა 4910 ლარი.

ა(ა)იპ "წყალტუბოს მუნიციპალიტეტის კულტურის ცენტრი" მომავალშიც გააგრძელებს დაკისრებული მოვალეობის აქტიურად განხორციელებას და წინასწარ შედგენილი გეგმის სრულფასოვნად შესრულებას.

ა(ა)იპ "წყალტუბოს მუნიციპალიტეტის კულტურის ცენტრის" მმართველი



რევაზ მესხი